

## Láhka

### boazodoallolága rievdadeamis

Riikkabeivviid mearrádusa mielde  
*gomihuvvo* boazodoallolága (848/1990) 1 §:a 3 momeanta, dakkárin go dat lea lágas 1466/2009,  
*rievdadhuvvo* 39 §, dakkárin go dat lea muhtun muddui lágas 1466/2009, ja  
*lasihuvvo* láhkii ođđa 39 a § čuovvovaččat:

#### 39 §

##### *Boazoáiddiid áidun*

Stáhtaeatnamii oažžu áidut cagganáiddi Eana- ja meahccedoalloministeriija lobiin ja rátkingárddi dan eiseválddi lobiin, mii hálddaša dien guovllu. Gaskaboddosaš boazoáiddi áidumis stáhtaeatnamii galgá almmuhit dan eiseváldái, mii hálddaša dien guovllu.

#### 39 a §

##### *Riikkaráji ala áidut oaivvilduvvon cagganáidi*

Riikkaráji ala áidut oaivvilduvvon cagganáiddi várás dárbbaslaš geavahanvuoigatvuođas galgá vuosttažettiin soahpat eanaeaggádiin. Jos ii šatta soahpamuš, de geavahanvuoigatvuhtii guoskevaš ášši gieđahallojuvvo giddes opmodaga ja erenoamáš vuoigatvuođaid lotnunlágas (603/1977) mearriduvvon vuogi mielde lotnundoaimmahusas. Lotnundoaimmahusa doaimmahusgoluid máksá Suoma stáhta.

Geavahanvuoigatvuođa vuodđudeapmái heivehuvvo, mii giddodatčohkkenlága (554/1995) 156 §:a 1 momeanttas mearriduvvo servituhttavuoigatvuođa vuodđudeamis. Jos Suopma lea dahkan das čadni soahpamuša vierroriikkain oktasaš ávkki vuodul ollašuhttit oaivvilduvvon cagganáiddis, de soahpamuš galgá čuvvojuvvot geavahanvuoigatvuođa sajádagas mearridettiin. Sihke stáhtaeatnamii ja priváhtaeatnamii guoskevaš geavahanvuoigatvuohta cagganáiddi várás galgá merkejuvvot giddodatdiehtovuogádahkii.

Riikkaráji ala áidojuvvon cagganaáidi gullá Suoma stáhtii, mii vástida áiddi áidumis ja bájasdoallamis. Mearreruđa dása miediha Lappi ELY-guovddáš. Stáhta ovddasteaddjis lea vuoigatvuohta geavahanvuoigatvuođa vuodul johtit guovllus cagganáiddi áiduma ja bájasdoallama várás.

Dán lága fápmuiboatimis mearriduvvo stáhtarádi ásašusa vuodul.

979/2016

Helssegis skábmamánu 18 beaivve 2016

**Dásseválddi Presideanta**

**Sauli Niinistö**

Vuoigatvuohta- ja bargoministtar Jari Lindström